

Član 81.

(Obaveza prijave oružja kategorije C)

Lice koje posjeduje oružje kategorije C, dužno je da takvo oružje prijavi nadležnoj policijskoj upravi u roku od šest mjeseci od dana stupanja na snagu ovog zakona.

Član 82.

(Važenje isprava o oružju)

Isprave o oružju izdate u skladu s odredbama propisa koji se stavljaju van snage ovim zakonom ostaju na snazi.

Član 83.

(Usklađivanje obavljanja djelatnosti)

- (1) Pravno lice i poduzetnik koji obavlja djelatnost prometa oružja, bitnih dijelova oružja i municije, posredovanja u prometu oružjem bitnih dijelova oružja i municije, popravljivanja i prepravljivanja oružja ili vođenje civilnih strelišta, dužno je svoje poslovanje uskladiti s odredbama ovog zakona u roku od devet mjeseci od dana stupanja na snagu ovog zakona.
- (2) Pravnom licu i poduzetniku iz stava (1) ovog člana, koji u roku iz stava (1) ovog člana ne podnese zahtjev nadležnoj policijskoj upravi u cilju usklađivanja poslovanja s odredbama ovog zakona, nadležna policijska uprava će rješenjem zabraniti daljnje obavljanje djelatnosti.

Član 84.

(Legalizacija oružja)

- (1) Lice koje posjeduje oružje kategorije B bez isprave o oružju, a koje prema ranije važećim propisima nije registrovano, dužno je da najkasnije do 31.12.2018. godine, podnese zahtjev za izdavanje isprave o oružju.
- (2) Prilikom podnošenja zahtjeva lice nije dužno da dokazuje porijeklo oružja.
- (3) Isprava o oružju se neće izdati licu koje ne ispunjava uvjete iz člana 10. st. (4) i (5) ovog zakona kao i kada se oružje potražuje od nadležnih organa i u slučaju kada je oružje već registrovano.

Član 85.

(Amnestija)

- (1) Lice koje na dan stupanja na snagu ovog zakona posjeduje oružje kategorije B suprotno odredbama člana 10. stav (1) ovog zakona, obavezno je da ga odmah preda nadležnoj policijskoj upravi.
- (2) Lice koje dobrovoljno preda oružje iz stava (1) ovog člana neće odgovarati za nelegalno posjedovanje iz člana 74. stav (1) tačka a) ovog zakona.
- (3) Mjere i radnje koje poduzima Uprava policije na provođenju amnestije za nelegalno posjedovanje oružja iz stava (1) ovog člana, kao i u vezi legalizacije oružja iz člana 84. ovog zakona, na prijedlog policijskog komesara, propisuje ministar.

Član 86.

(Primjena Zakona o upravnom postupku Federacije Bosne i Hercegovine)

Na sva pitanja postupka koja nisu uređena ovim zakonom, primjenjuju se odredbe Zakona o upravnom postupku Federacije Bosne i Hercegovine ("Službene novine Federacije BiH", br. 2/98 i 48/99).

Član 87.

(Primjena Zakona o agencijama i unutrašnjim službama za zaštitu ljudi i imovine)

Odredbe ovog zakona primjenjuju se na pravna lica koja obavljaju poslove fizičke i tehničke zaštite, ukoliko nisu u suprotnosti s odredbama Zakona o agencijama i unutrašnjim službama za zaštitu ljudi i imovine ("Službene novine Federacije BiH", br. 78/08 i 67/13).

Član 88.

(Zaštita ličnih podataka)

Svi subjekti koji na bilo koji način primjenjuju odredbe ovog zakona, dužni su obradu ličnih podataka vršiti u skladu s odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11) kao i provedbenih propisa i planova donesenih na osnovu istog.

Član 89.

(Direktive)

Ovim zakonom su u najvećoj mogućoj mjeri u pravni poredak Kantona Sarajevo preneti slijedeći akti Evropske unije:

- a) Direktiva Vijeća 91/477/EEZ od 18. juna 1991. godine o nadzoru nabavljanja i posjedovanja oružja (SL L 256, 03.09.1991.),
- b) Direktiva 2008/51/EZ Evropskog parlamenta i Vijeća od 21. maja 2008. godine o izmjeni Direktive Vijeća 91/477/EEZ od 18. juna 1991. godine o nadzoru nabavljanja i posjedovanja oružja (SL L 179, 08.07.2008.) i
- c) Uredba komisije (EU) 2015/2403 od 15. decembra 2015. godine o utvrđivanju zajedničkih smjernica o normama i tehnikama onesposobljavanja kako bi se osiguralo daje onesposobljeno vatreno oružje postalo neopozivo neupotrebljivo (SL L 333/62).

Član 90.

(Ravnopravnost spolova)

Gramatička terminologija u ovom zakonu podrazumijeva uključivanje oba spola.

Član 91.

(Prestanak važenja)

- (1) Početkom primjene ovog zakona prestaje primjena Zakona o nabavljanju, držanju i nošenju oružja i municije ("Službene novine Kantona Sarajevo", br. 38/07, 43/08, 11/10 i 23/10).
- (2) Podzakonski akti, doneseni na osnovu zakona iz stava (1) ovog člana, ostaju na snazi do donošenja novih podzakonskih akata.

Član 92.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo", a početak će se primjenjivati od 03. aprila 2018. godine.

Broj 01-02-36586/17

20. decembra 2017. godine

Sarajevo

Predsjedateljica

Skupštine Kantona Sarajevo

Prof. Ana Babić, s. r.

Na osnovu člana 12. stav 1. tačka f) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana 20.12.2017. godine, donijela je

ZAKON

O IZMJENI I DOPUNAMA ZAKONA O PROSTORNOM UREĐENJU KANTONA SARAJEVO

Član 1.

(Dopuna člana 2.)

U Zakonu o prostornom uređenju Kantona Sarajevo ("Službene novine Kantona Sarajevo", broj 24/17) u članu 2. tačka rr) iza riječi: "uvode nove instalacije ili ugrađuje nova oprema u građevinu," dodaju se riječi: "osim uvođenja novih instalacija i ugradnje nove opreme u organizaciji javnih komunalnih preduzeća,".

Član 2.

(Izmjena člana 152.)

U članu 152. stav (1) tačka e) riječi: "a zadržava se obaveza naplate učinjenih troškova u postupku uklanjanja od strane vlasnika građevine prema općinskom organu" zamjenjuju se

riječima: "a zadržava se obaveza, općinskog organa, da naplati učinjene troškove u postupku uklanjanja od vlasnika građevine".

Član 3.

(Dopuna člana 177.)

U članu 177. dodaje se novi stav (1) koji glasi:

"(1) Skupština Kantona, gradsko ili općinsko vijeće koji su donijeli odluku o pristupanju izradi planskog dokumenta do dana 30.06.2017. godine donose i odluku o usvajanju i odluku o provođenju tog planskog dokumenta."

Dosadašnji stav (1) postaje stav (2).

Član 4.

(Dodavanje novog člana)

Iza člana 178. dodaje se novi član 178 a. koji glasi:

"Član 178 a.

(Započeti postupci legalizacije)

Izuzetno od odredbi člana 178. Zakona zahtjevi za legalizaciju građevina koji su podneseni u rokovima predviđenim Uputstvom o uvjetima i načinu legalizacije objekata individualne stambene izgradnje građenih bez odobrenja za građenje izdatog od strane nadležnog organa uprave broj: 05-36-80/98 od 15.07.1998. godine, Uredbom o postupku i uvjetima za legalizaciju građevina izgrađenih bez građevinske dozvole ("Službene novine Kantona Sarajevo", br. 10/01 i 14/02) i Odlukom o legalizaciji građevina izgrađenih bez odobrenja za građenje i građevina privremenog karaktera ("Službene novine Kantona Sarajevo", br. 6/06, 18/07, 18/08, 35/12 i 51/15) nastavit će se rješavati po postupku predviđenom navedenim propisima izuzev ako to nije u suprotnosti sa Zakonom o građevinskom zemljištu Federacije Bosne i Hercegovine ("Službene novine Federacije BiH", br. 25/03 i 67/05)."

Član 5.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-36614/17
20. decembra 2017. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu člana 8. Zakona o imovini Kantona Sarajevo ("Službene novine Kantona Sarajevo, broj 6/97), člana 7. Odluke o preuzimanju prava osnivača Javne ustanove "Studentski centar" Sarajevo ("Službene novine Kantona Sarajevo", br. 24/00, 21/06 i 45/15) i člana 119. Poslovnika Skupštine Kantona Sarajevo ("Službene novine Kantona Sarajevo, broj 41/12-Dруги novi prečišćeni tekst), Skupština Kantona Sarajevo, na sjednici održanoj dana 20.12.2017. godine donijela je

ODLUKU

I

Prihvata se ugovor o kupoprodaji nekretnina neposrednom pogodbom koji je notarski obrađen kod notara Hamidović Nerminke, a u vezi sa kupovinom zgrade Javne ustanove "Studentski centar" Sarajevo - Nedžarići od strane Vlade Federacije Bosne i Hercegovine.

II

Daje se ovlaštenje premijeru Kantona Sarajevo Konaković Elmedinu da, u ime Skupštine Kantona Sarajevo, potpiše ugovor iz tačke I. ove odluke.

III

Ugovor iz tačke I. je sastavni dio ove odluke.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-36592/17
20. decembra 2017. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu člana 37. i 117. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst, broj 41/12, 15/13, 47/13, 47/15 i 48/16), Skupština Kantona Sarajevo, na sjednici održanoj dana 20.12.2017. godine, donijela je

ODLUKU

**O IZMJENI ODLUKE O IZBORU
PREDSJEDAVALJUĆIH, ZAMJENIKA
PREDSJEDAVALJUĆIH I ČLANOVA STALNIH RADNIH
TIJELA SKUPŠTINE KANTONA SARAJEVO**

I

1. Komisija za mlade

- razrješava se Amra Omanović, vanjski član (Klub samostalnih zastupnika),
- bira se Mirsela Mehanić, vanjski član (Klub samostalnih zastupnika).

II

Ova Odluka stupa na snagu danom donošenja i objaviće se u "Službenim novinama Kantona Sarajevo".

Broj 01-05-36595/17
20. decembra 2017. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu čl. 13. tačka b. i 18. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), člana 63. stav (3) Zakona o zdravstvenoj zaštiti ("Službene novine Federacije BiH", br. 46/10 i 75/13), člana 5. stav (1) Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za bolesti ovisnosti Kantona Sarajevo ("Službene novine Kantona Sarajevo", broj 15/14) i člana 170. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15 i 48/16), Skupština Kantona Sarajevo, na sjednici održanoj dana 20.12.2017. godine, donijela je

ODLUKU

**O DAVANJU SAGLASNOSTI NA STATUT JAVNE
USTANOVE ZAVOD ZA BOLESTI OVISNOSTI
KANTONA SARAJEVO**

I

Daje se saglasnost na Statut Javne ustanove Zavod za bolesti ovisnosti Kantona Sarajevo broj: 0201-1160/17 od 19.10.2017. godine.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-36596/17
20. decembra 2017. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu člana 13. stav (1) tačka b), člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 6. i 20. Zakona o ustanovama ("Službeni list RBiH", br. 6/92, 8/93 i 13/94), člana 53. stav (4) Zakona o zdravstvenoj zaštiti ("Službene novine Federacije BiH", br. 46/10 i 75/13) i člana 6. stav (1) Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za bolesti ovisnosti Kantona Sarajevo ("Službene novine Kantona Sarajevo", broj 15/14), Skupština Kantona Sarajevo, na sjednici održanoj dana 20.12.2017. godine, donijela je